

Tafsiira Suuratu Qaaf-kutaa 7

Description

Namoonni yommuu qabeenya baayâ™ee fi humna cimaa horatan, balaa kamiyyuu akka ofirraa deebisan godhanii yaadu. Kanaafi, dachii keessatti wanta fedhan hojjachuu fi daangaa darbu barbaadu. Seenaa keessatti dhaloonni qabeenyaa fi humna ofii dinqisiifachuun daangaa darban, ergasii addunyaa irraa badan baayâ™eedha. Qabeenyi fi humni isaanii homaa isaan hin fayyanne. Dhaloota sababa badii isaaniitiin addunyaa tana irraa duguugaman irraa barnoota baayâ™ee fudhanna. Qurâ™aanni seenaa isaanii dhiyeessun namoota ittiin gorsa. Mee haa ilaalu.

﴿وَكَمْ أَهْلَكْنَا قَبْلَهُمْ مِّنْ قَرْنٍ هُمْ أَشَدُّ مِنْهُمْ بَطْشًا فَنَقَّبُوا فِي الْبِلَادِ هَلْ مِن مَّحِيصٍ﴾ إِنَّ فِي ذَلِكَ لَذِكْرٍ لِّمَن كَانَ لَهُ قَلْبٌ أَوْ أَلْقَى السَّمْعَ وَهُوَ شَهِيدٌ ﴿٢٧﴾

âœIsaan dura dhaloota baayâ™ee humnaan isaan irra ciccimoo taâ™anii fi biyyoota keessa abuuran balleessine. Miliquun jiraa? Dhugumatti, kana keessa nama qalbii qabuuf yookiin kan argamuu taâ™ee gurra itti kenneef yaadachiisatu jira.âœ• Suuratu Qaaf 50:36-37

Qureeshota irraa mushrikoota kanniin dura dhaloota baayâ™ee balleessinee jirra. Dhaloonni badan kunniin Qureeshota Muhammadin (SAW) kijibsiisan caalaa humnaan ciccimoodha. âœbiyyoota keessa abuuranâœ• Kana jechuun rizqii barbaaduuf, daldalaaf biyyoota keessa deddeeman. Humna cimaa qabaniin dachii keessatti qonna, biqiltoota dhaabu, ijaarsa, gaarreen jala qotu, jogolaa (dallaa) fi mooraa dhaabu ni hojjatan. Kanaafu, Qureeshota caalaa dachii keessatti haftee ni hanbisan, lafa ni misoomsan.[\[1\]](#)

Yommuu isaan Ergamtoota Rabbii kijibsiisanii fi keeyyatoota Rabbii morman, Rabbiin adabbii laalessaa fi cimaan isaan qabe. Kanaafu, âœMiliquun jiraa?âœ• Kana jechuun yeroo adabbiin Rabbii isaanitti buâ™uu jalaa dheessu dandaâ™anii jiru? Bakka itti dheessan argatanii jiruu? Samii fi dachiin hundii tooâ™annaa Rabbii jala osoo jiranuu akkamitti bakka itti dheessan argachuu dandaâ™uu? Qabeenyi isaan walitti qabanii fi humni isaanii isaan fayyadee jiraa? Adabbii isaan irraa deebisee? Qabeenyi, humnii fi ijoolleen isaanii homaa isaan hin fayyanne. Isin hoo yoo Rabbiin faallessitanii fi ajaja Isaatiif buluu diddan, qabaa fi adabbii Isaa jalaa miliquu dandeessuu?

âœDhugumatti, kana keessa nama qalbii qabuuf yookiin kan argamuu taâ™ee gurra itti kenneef yaadachiisatu jira.âœ•

Dhugumatti dhaloota darban balleessu keessa nama qalbii ittiin waa hubatuu qabuuf yookiin qalbii isaatiin kan argamuu taâ™ee sirritti dhageefatuuf gorsaa fi barnootatu jira.[\[2\]](#)

Akkuma beekkamu oduun dhaloota darban balleessuu dhufee jira, hafteen iddoo jireenya isaanii akka badan agarsiisu ragaa baha. Oduu fi hafteen isaanii kuni kan ittiin gorfaman taâ€™TMa. Namni badiinsa isaanii kana yaadannoo isaa keessatti galche, qalbiin isaa gorsaan sochooti. Kanaafu, adabbii Rabbii irraa sodaachuun gorfamee kufrii fi kijibsiisu isaa irraa ni buqqaâ€™TMa. Garuu gorsii fi yaadachiisni buâ€™TMaa fidu kuni argamuuf dhimmoota lamaan keessaa tokko argamuun ni barbaachisa:

Dhimmi 1ffa-namni qalbii dammaqxi, xinxallituu fi gabroota Isaa keessatti seera Rabbii beekuuf fedhii qabdu qabaachu. Nama kana qalbiin isaa dammaqxi fi xinxallitu taate isa qajeelchiti. Ammaa amma seera Rabbii yaadanno isaa keessatti fida. Haala kanaan ammaa amma gorsa isaaf taâ€™TMa. (Dhaloota dachii irraa badan yommuu ilaalu sababa akka badan isaan taasise itti xinxalla. Sababni kunis kufrii fi badii hojjachuudha. Kanaafu, sababa kufrii fi badii isaanitiin adabbiin isaanitti buâ€™TMe isattis akka hin buune, kufrii fi badii irraa buqqaâ€™TMuun gara Rabbii isaa deebiâ€™TMa.)

Dhimmi 2ffa-Keeyyattoota dhaloota badan kanniin nama yaadachisaniif gurra isaa itti kennuuf qophii taâ€™TMuu. [3] (Yommuu oduun dhaloota darban kana dubbatamu gaafila taâ€™TMee osoo hin taâ€™TMin xiyyeefannoo itti kenne dhageefachuudha. Qurâ€™TMaana keessatti oduun namoota badan kanaa dhufe jira. Kanaafu, badiinsi dhaloota darbanii kuni yaadachisaa fi barnoota namaaf taâ€™TMuuf keeyyattoota Qurâ€™TMaana waaâ€™TMee isaanii dubbatanii dammaqinnaan dhageefachu ykn dubbisuu barbaachisa.)

Kana haala kanaan guduunfu dandeenya: jalqaba oduu dhaloota badanii xiyyeefannoon ni dhageefata. Ergasii itti xinxalluun barnoota irraa fudhata. Akka adabbiin isatti hin buunef hojii isaan hojjatan hojjachuu irraa of qusata.

Dadhabbiin Homaatu Rabbiin subhaanahu wa taâ€™TMaalaa hin tuqu

وَلَقَدْ خَلَقْنَا السَّمَوَاتِ وَالْأَرْضَ وَمَا بَيْنَهُمَا فِي سِتَّةِ أَيَّامٍ
وَمَا مَسَّنَا مِنْ لُغُوبٍ

•Dhugumatti samiiwwanii fi dachii akkasumas wantoota isaan lamaan jidduu jiran guyyoota jaha keessatti uumnee jirra; dadhabbiin homaatu Nu hin tuqne. • Suuratu Qaaf 50:38

Kana keessa duâ€™TMaan booda kaafamu mirkaneessutu jira. Sababni isaas, Samii torbaa fi dachii uumuu Kan dandaâ€™TMee fi isaan uumuu hin dadhabne, dhugumatti namoota duâ€™TMan jiraachisu irratti caalatti dandaâ€™TMaadha. Qurâ€™TMaana keessatti:

أَوَلَمْ يَرَوْا أَنَّ اللَّهَ الَّذِي خَلَقَ السَّمَوَاتِ وَالْأَرْضَ وَلَمْ يَعْى بِخَلْقِهِنَّ
بِقَدْرِ عَلَى أَنْ يُحْيِيَ الْمَوْتَىٰ بَلَىٰ إِنَّهُ عَلَىٰ كُلِّ شَيْءٍ قَدِيرٌ

â€œRabbiin Kan samiiwwanii fi dachii uume, isaan uumuu keessatti Kan hin dadhabin duâ€™aa jiraachisuu irratti dandaâ€™aa akka taâ€™e hin arginee sila? Eeyyen! Dhugumatti Inni waan hundaa irratti Dandaâ€™aadha.â€• suuratu Al-Ahqaaf 46:33

Ammas aayan suuratu Qaaf armaan oli tuni Yahudootaa fi Kiristaanota Rabbiin samii fi dachii erga uumee booda boqonnaa fudhate jedhan irratti deebii deebisti. Qataadan ni jedha: Yahuudonni-abaarsi Rabbii isaan irratti haa jiraatu-ni jedhan: Rabbiin samii fi dachii guyyaa jaha keessatti uume. Ergasii guyyaa torbaffaa ni boqate. Kuni guyyaa Sabti (Sanbataati). Isaan guyyaa boqonnaa (ayyaanaa) jechuun waamu. Rabbiin wanti isaan jedhan kijiba akka taâ€™e ibsuuf aayah tana ni buuse. [4] â€œdadhabbiin homaatu Nu hin tuqne.â€•

Dhugumatti, Yahuudonni fi Kiristaanonni kijibanii jiru. Hanga boqonnaatti hajamuu wanti Rabbiin dadhabsiisuu fi akka ifaaju taasisu hin jiru. Uumamtoonni waan dadhabaniif boqonnaatti hajamu. Rabbiin subhaanahu wa taâ€™a alaa waan hin dadhabneef boqonnaatti hin hajamu. Wanta tokko yoo fedhe ajajni Isaa â€œTaâ€™iâ€• jechuu qofa. Wanti sunis yoosu taâ€™a (argama).

Kabaja Isaaf maluu Rabbiin hin kabajne. Nafsee ofiitiin wal bira qaban. Wanta isaan jedhan irraa Rabbiin oltaâ€™iinsa guddaa oltaâ€™ee. Wanta isaan jedhan irraa Inni qulqullaaâ€™e. [5]

﴿فَاصْبِرْ عَلَىٰ مَا يَقُولُونَ وَسَبِّحْ بِحَمْدِ رَبِّكَ قَبْلَ طُلُوعِ الشَّمْسِ وَقَبْلَ الْغُرُوبِ ۚ وَمِنَ اللَّيْلِ فَسَبِّحْهُ وَأَدْبَرَ السُّجُودِ﴾

â€œWanta jedhan irratti obsi, biiftun bahuun duraa fi lixa [ishiitin] dura faaruu Gooftaa keetitiin [Isa] qulqulleessi. Halkan irraa fi sujuuda boodas Isa qulqulleessi.â€• Suuratu Qaaf 50:39-40

Yaa Rasuula! Wanta kijibsiiftonni jedhan irratti obsi. Dhugumatti Rabbiin isaan ilaala. Biiftun bahuun dura Isa faarsun Gooftaa keetiif salaata subii salaati, aduun seenun duras salaata Asri salaati. Halkan irraayis salaati. Salaata boodas faaruu Gooftaa keetitiin Isa faarsi. [6]

Mushrikoonni wanta badaa Ergamaa Rabbii (sallallahu aleyh wassallam) yakkaa turan. Isa arrabsaa fi dubbii badaa isatti dubbataa turan. Kanaafu, Rabbiin akka dubbii isaanii kana irratti obsuu Nabiyyi ajaje. Ajajni kuni jalqaba nabiyyiif haa taâ€™uu malee hordoftoota isaa hundaaf kan taâ€™uudha. Keessumaayyuu namoota gara Islaamatti waamaniif (daaâ€™iwwaniif) kan taâ€™uudha. Ergasii itti aanse wanta obsarratti nama jabeessu ni dubbate. Innis Rabbiin faarsu waliin Isa qulqulleessudha. Kunis yeroo salaataa fi salaata booda kan taâ€™uudha.

Faarsu waliin Isa qulqulleessun kan taâ€™uu sifaata (amaloota) gugguutuun Isa faarsuu fi amaloota hanquu hundarraa Isa qulqulleessudha. Fakkeenyaaf akkana jechuu: Subhaanallahi walhamdulillah (Rabbiin qulqullaaâ€™e, faarun hundi kan Rabbiiti), Subhaanallahi wabihamdihi.

[1] Tafsiiru Xabarii-21/460, Tafsiiru Tahriir wa tanwiir-26/323, Tafsiiru Ibn Kasiir 7/21, Tafsiiru Saâ€™dii-952 [2] Tafsiiru Muyassar-520 [3] Maâ€™ariju at-tafkuri wa daqaaâ€™iqu at-tadabburi

3/123-124 [\[4\]](#) Tafiir Ibn Kasiir-7/22 [\[5\]](#) Maâ€™aariju at-tafkuri wa daqaa’iqtu at-tadabburi 3/126-127 [\[6\]](#) Tafiiru Muyassar-520

Date Created

May 19, 2020

Author

admin